


MATOBELANWA AA MBUNGANO

 Twa kazwaa kujala muswaangano mupati wa masiku osanwe ku cikombelo, oko, ku luzyalo lwa Leza a ku lugwasyo Lwakwe, Nda kasoleka canguzu, ku Magwalo, kubikka mu ncililano Mbungano ya Mwami Jesu Kristo, mbuli mbo tusyoma ku Branham Tabernacle.

² Cintu citaanzi Nce yanda kwaamba ncakuti mweembeli lyoonse ngu jisi bweendelezi buzwide mu cikombelo mebo nentako, elyo Ndi langa buyo ku mweembeli cindi Nda kujoka. Aboobo, uli mu bweendelezi buzwide kucinca na kucita kufumbwa cintu nca yeeya kuti ncibotu maningi, kungsi lya busololi bwa Muuya Uusalala, kuciindi Nda tanooliko.

³ Tula syoma mu Mbungano ya buapostolo, kuyiisya zileleko zya buapostolo zya bantu ba buzuba buno. Tula syoma mu Makanimabotu aazwide, a kusyoma kuti zyoonse zitondezyo a zigambyo zya kaambwa a Mwami wesu Jesu Kristo, ziyo enda a Mbungano Yakwe kusikila Aka bweede. Tula syoma mu zintu ezyo, a kusyoma kuti zyeelede kubikkwa mu ncililano, kuti Mbungano ili jisi malailile ayo. Elyo aimwi mbungano ijisi njiisyo zyayo, a malailile, a lulayo.

⁴ Mbungano yesu tai jisi mamembala mbuli basikusangana. Tula syoma kuti Mbungano yoonse ya boonse munyika iya Leza muumi mbakwesu a bacizi besu; alimwi kuti bantu boonse bali tambwidwe lyoonse, kakutakwe kulanganya kabungwe nko bazulilwa, ku Cikombelo ca Branham, ku Kagwagwa ka Eighth a Penn mu Jeffersonville, Indiana.

⁵ Tula syoma mu “kululamikwa ku lusyomo,” ba Roma 5:1. Tula syoma obo, muntu nakamana kululamikwa ku lusyomo, ujisi luumuno ku Mwami Jesu Kristo. Pele cila konzeka kuti oyu muntu nguwenya inga waba a zilengwa mbuli kunywa, kufweba, kucita zintu ezyo nzya teeledede kucita, zilengwa zya kusofwaala kunyama.

⁶ Mpawo tula syoma kuti Bulowa bwa Jesu Kristo bulasalazya muntu oyu ku mulimo wa Mwami. Elyo nkokuti, tula syoma mu “kusalazigwa” kweendelana ku Bahebrayo 13:12 a 13, “Oko Jesu awalo, kutegwa A salazye bantu ku Bulowa Bwakwe Mwini, wakapenga aanze lya milyango.” Elyo tula syoma kuti kusalazigwa kwa kayiisigwa mu Cizuminano Cipyaa, a kwaamba zya basyomi kwiinda mu bukkalo bwa Cizuminano Cipyaa, obo mbo tupona eno.

⁷ Elyo akwalo tula syoma kuti muntu nakamana kusalazigwa, zilengwa zitalalali zyakazwa ku muntu, walo musyomi aa Mwami Jesu Kristo, nkabela zilengwa zyakwe zyamana: tula syoma kuti mpawo walo uleelela ku “lubapatizyo lwa Muuya

Uusalala,” oyo uboola mbuli kuzuzya musyomi. Elyo mpawo cindi musyomi . . .

⁸ Cili buyo, ziindi zinji mbuli mbo Nda kacyiisya, mbuli kubwezelela gilazi kuzwa mu lubuwa lwa nkuku. *Kululamikwa* nku “cisala, kulibambila ku cibelesya,” a bukanze mu moyo. Nce ncico Leza nca cita kuli sizibi. Walo uci sofweede.

⁹ Mpawo ula salazigwa kwiinda ku Bulowa bwa Jesu Kristo. Elyo bbala *kusalazya* ndi bbala lijisi bupanduluzi bunji, elyo lyaamba kuti, “kusalazigwa, a kubikkwa ambali ku mulimo.” Mu Cizuminano Cakale, cipaililo caka salazya cilongo, alimwi caka bikkwa ambali ku mulimo.

¹⁰ Tula syoma kuti Muuya Uusalala uli mukubikka cilongo nciconya mu mulimo. Kutu Muuya Uusalala tauli ntaamo imbi ya luzyalo, pele kunji kwa luzyalo ndulonya olo luzuzya musyomi kusika ku ciimo oko zitondezyo a zigambyo, mbuli zipego zya buapostolo mbo zya kaambwa mu Bakorinto Bataanzi 12, kuliyubulula beni kwiinda mu musyomi oyu cindi Muuya Uusalala waboola mukati kubweza cipego.

¹¹ Nda syoma kuti Lugwalo luyiisya kuti “zipego a kwiitwa tazi lekeki,” kuti cindi twa zyalwa mu inyika eyi, twa katumwa okuno ku bukanze bomwe, obo, bwa Leza. Elyo kuti akwalo katutaninga kuba bapati, kuciindi nibacili bana, zipego nzo tujisi zya Leza zili muli ndime mpawo, a kuzuzigwa buyo kwa Muuya Uusalala ulabikka zipego ezi mu kubeleka; pele tuli bajisi ku matalikilo, mbuli bamayi, a baapostolo, a—a basinsimi, a zipego zya myaambo, alimwi zipego zya kumuuya zili fuka kweendelana ku Bakorinto Bataanzi 12. Lino, tula syoma kuti zipego ezi zili mu kubeleka asunu, alimwi zyeedelede kuba mu mbungano aimwi ya mubusena.

¹² Nekubakuti muli boobo, twa kajana, moonse mu inyika, kuti kuli kwiindilizya kunji kujiswi antomwe a bantu baliita kuba basyomi bacipostolo. Mbuli buyo mbo zili mu mabambe aambi, a zimwi zimbi, tuli jisi basikwiindilizya. Oko kwakali kuzwa kukutalika, twa kali bajisi abo kwiinda mu makkalo. Ba kali cijisi mu buzuba bwa buapostolo; alimwi mbuli Paulo mbwa kaamba okuya, kuti obo bamwi mbo bakasika a “kubasungilizya, kuzwa ku njiisyo zimwi,” azimwi zimbi. Pele mu kuyiisya kwakwe mwini, wa kati, “Ikuti na Angelo uuzwaku Julu naka yiisya cimwi cimbi,” kwiinda eco nca kayiisya, “abe mutuke.”

¹³ Aboobo, swebo, mbuli Branham Tabernacle, ku Kagwagwa ka Eighth a Penn awa, kusola kutobela kuyiisya kwa Cizuminano Cipywa. Nkambo tula syoma, kuti, Jesu Kristo, mukuba Mwana wa Leza, alimwi Paulo muapostolo cilongo cakasalwa a kwiitwa, kwiinda ku kusala kwa Leza, ku tumwa ku Mbungano ya Bamasi ku cibikka mu ncililano.

14 Lino, tula syoma mu “lubbizyo lwa maanzi,” mu Cikombelo ca Branham, ku kunyikizya, “mu Zina lya Mwami Jesu Kristo,” luli nku yiisya kwa buapostolo bwa Bbaibbele. Elyo akube kuti, zizo zyoonse zya, na, basikuboola ku Cikombelo ca Branham, abo bayanda cili boobo, akube kuti, ku ciindi cili coonse (kulomba kunyikizigwa, mu Zina lya Mwami Jesu), akube kuti a buzye mweembeli, elyo ikuti na beempwa, a kusyoma aa Mwami Jesu Kristo, mweembeli uyo, mbuli mbo kukonzeka buyo, akwalo mpawo ikuti na ula konzya, kuba bbizya cakufwambaana. Eci cibaleta mu luswaanano lwa basyomi. Tula syoma kuti ku lubbizyo lwa maanzi tula letwa mu luswaanano.

15 Pele kwiinda ku lubapatizyo lwa Muuya Uusalala, tula letwa mu zizo, mukuba zizo zya Mubili wa Jesu Kristo, uli koonse ku nyika.

16 Lino, cintu cimbi nco tusyoma, kuti, “I luyubunuko lwa Muuya lwa pegwa ku muntu oonse ku kugwasya.” Lino, tula syoma kuti cindi zipego ezi, azimwi zimbi, zya kubeleka mu Mbungano, kwalo tulemuzya akuyandisya kuti bantu abo bajisi zipego zya Muuya, baboola akukomba andiswe.

17 Lino, mu masena manji, tu jana kuti cindi zipego ezi mu bantu, i bantu taba mvwisiyi *nzila* a *cindi* caku belesya zipego ezi, alimwi, mu kucita boobo, zi leta buyo sampu; eco nco tusyoma kuti ciyooba buyo eco Saatani ncakali kukonzya kucita kubamba baanze, batasyomi, azimwi zimbi, kuyoowa cilongezyo eci cibotu eco Leza nca kapa ku Mbungano mu mazuba aya.

18 Paulo wakati, “Cindi kwasika mweenzu akati kesu, alimwi toonse twa ambaula mu myaambo, sa muntu takainki a kwaamba kuti twa kali ‘sondokede’? Pele ikuti na umwi wasinsima, a kuzibya maseseke aa moyo, mpawo bakali kunga bawa a kwaamba, ‘Nincobeni, Leza uli a nduwe.’”

19 Lino, tula syoma kuti zipego zya kumuuya, akati ka basyomi, matobelanwa aa buzuba. Ta tukonzyi kusyoma kuti muntu ulakonzya kukambauka kungsi lya bunanike elyo mpawo, na, kuba mwiiyi uunanikidwe, elyo mpawo kukaka cipego ca kuponya, na cipego ca businsimi, na kukanana mu myaambo, na bupanduluzi bwa myaambo, na kufumbwa cimwi ca zipego ezi zimbi.

20 Aboobo, nkikaako, nkooku kusyoma kwangu mu Ijwi lya Leza, nzila Cikombelo ca Branham, ku Kagwagwa ka Eighth a Penn okuno mu Jeffersonville, mbo yeelede kwendelezegwa. Ndi yeeya kuti, cintu citaanzi, a kusyoma kuti ezi zintu Nze amba zila yandikana alimwi kweelede kuyo citwa mu cianza eci, mu Cikombelo ca Branham, nkambo ka ncico kuti cizwidilile mu Mwami. Elyo ikuti kufumbwa ciindi ezi, eci inga cabuzigwa, i muntu uli mu mubuzyo kujatikizya ncico inga wandibuzya ikuti na taba konzyi kusika ku mweembeli, na inga babuzya mweembeli. Ikuti na Ndili ku ng’anda, kuzwa ku nyendo zimwi,

Njo botelwa ku—ku kugwasya nanka i mweembezi ku ciindi cili coonse. Elyo zintu ezi nzya Malembe, alimwi Nda syoma kuti ni ncililano ya Mbungano.

²¹ Ndi yeeya kuti, lutaanzi, kuti cizo acimwi, na, mukombi aumwi, ca Branham Tabernacle, yeelede kuba maningi mu luyando lwa Buleza kuli umwi aumwi kusikila inga ya . . . myoyo yabo inga ya sukamina umwi aumwi cindi bamwaika, kusiya umwi aumwi ku kuswaangana, masiku. Ndili musyomi wini mu “luyando lwa Buleza.” I muapostolo Paulo wakati eco cakali citondezayo ca Muuya Uusalala. “Kwiinda ku cianza eci, bantu boonse bayo ziba kuti muli basikwiiya Bangu,” wakaamba Jesu, “cindi mwano jisi luyandisyo kuli umwi aumwi.” Elyo tula syoma kuti nduyando lwa Leza lwa katuma Jesu Kristo ku nyika, kufwida ndiswe toonse. “Leza mbwaka yandisya inyika, Wa kapa Mwana Wakwe simuzyalwa alikke, kuti kufumbwa uusyoma muli Nguwe ata nyonyooki, pele bayooba a Buumi buteeli.” Elyo *Buumi* buteeli okuno bwalo “Mbuumi bwa Leza Mwini,” nkaambo tuba bana balombe abasimbi iba Leza, kwinda ku lubbizyo lwa Muuya Uusalala; luli Ndunyungu lwa Abrahamu, a ku tupa lusyomo olo Abrahamu ndwa kajisi, cindi na kasyoma Leza katana akwalo kupalulwa.

²² Lino, cintu citobela, tula syoma kuti aba bakombi beelede “kuswaanana antoomwe, aba bantu bajisi zipego,” mbuli myaambo, alimwi bantu bajana ziyubunuzyo a bupanduluzi, azimwi zimbi. Aba mamembala, na, aba basyomi, mubwini, beelede kuboola antoomwe kutandila maminiti ali makumi one aosanwe na oora kuswaangana kakutana sola kutalika. I cikombelo ceelede kujulwa cakufambaana, nkabela basyomi baboola antoomwe masiku aya, elyo nokuceya maminiti ali makumi one aosanwe kusikaku oora kuswaangana kakutana talika.

²³ Nda syoma, Branham Tabernacle ku ziindi zyoonse kweelede kuba asikulizya piyaano uuzwide Muuya Muuya, abo banga bafwambaana kusika, bakazulwa Muuya Uusalala, nkabela inga walizya cabuteteete, cabuteteete loko, ciimbo ca kumuuya, mbuli boobu, “Kunselelo ku ciingano oko Mufutuli nkwa kafwida, kunselelo kuya ku kusalazigwa zibi Nda kalila; kuya ku moyo wangu Bulowa bwa kalambwa, bulemu ku Zina Lyakwe!” Cintucimwi mu bweende obo. *Munsi maningi, Leza Wangu, Kuli Nduwe*. “Mwaala wa Makkalo, kondi sisa.” Na, *Munsi Maningi Ku Ciingano*, na cintucimwi mu bweende obo; cabuteteete, bucebuce, mbuli mbwa yeeya cakuzumanana aa Muuya Uusalala, walo na walo, kufumbwa mbwanga waba.

²⁴ Mpawo Nda syoma kuti bakombi, kaba njila, beelede kuswaanwa, a zyabo . . . bala jatilila mabbaki abo a ngowani, kutondezaya ku zyuuno zyabo, a kusamausya oko bamaasha biyo na bamadaikona bazwide Muuya Uusalala nko bakonzya kucita, a mu luyandisyo, kubona Mbungano ya Leza muumi kaiyabuya.

25 Aba bakombi tee beelede kwaambaula kuli umwi aumwi, a kwaambaula koonse, a kupanga coongo mu mbungano.

26 Beelede kuboola antoomwe. Lutaanzi, aba sweemukile mu mipailo ya kaziizi, antela ku cipaililo, kwa kaindi kaniini. Kutali kupaila cakulimvwisya, ula nyonganya umwi umbi; mupailo wa kaziizi, uli mukukomba. Amuleke eco cinjile mu mizeezo. Kukomba, mu muuya wako, mpawo kujoka ku cuuno cako.

27 Na, to elede kuunka ku cipaililo. Ko njila buyo a kubweza cuuno, kokkala, swiilila ku ciimbo; amu jale meso anu, kukotamika mitwe yanu; alimwi, mukubatama, kukomba Leza, kuzwa kukutalika.

28 Mpawo ikuti na Muuya weelede kuyubununa cintucimwi kuli umbi, na—na muntu umwi kuzuzigwa a Muuya ku busena oko nkoba konzya kukanana mu myaambo, mpawo oyu muntu weelede kubuka a kupa mulumbe. Elyo bantu boonse beelede kuumuna mane bupanduluzi buboole.

29 Cindi bupanduluzi bwatika, ta bweelede kuba buyo kubalulula kwa Lugwalo, na cintucimwi eco citakwe bupanduluzi. We elede kuba mulumbe ugamikidwe ku Mbungano, na tu yeeya kuti uyooba mu mubili wabuntu; tula bona kunji kwa ceeco. Elyo lino, Nda—Nda syoma, i—i Muuya wa keelede kukanana buyo ku “kuyaka kwa Mbungano.”

30 Elyo lino, inga waba mulumbe, cintucimwi mu bweende obu, antela. Antela bantu bali mukubungana ku ciindi eci, bantu bamwi baciswa baka njila. Antela kuli muntu ulede, kalebukide na cintucimwi. Tona mubona kale. Pele cindi bupanduluzi bwatika, inga caba cintucimwi mu bweende obu; cindi bupanduluzi, na umwi oyo wazwaa kwaamba, inga wati, “Ee, MBUBOBU MBWAAMBA I MWAMI, i muntu uli akati kesu wazwa mu busena buli *boobu-boobu*,” a kupandulula busena. Elyo wakali kunga waamba kuti, “Wa kalebuka nkaambo, myaka yotatwe na yone yakainda,” na kufumbwa mbo cinga caba, kaambo kakonzya kaba, “wa kacita cintucimwi cibi,” mbuli, “kasiya mukaintu wakwe a bana, a kuzwa kuli mbabo. Elyo wa kawa kuzwa ku masuwa,” na cintucimwi mbuli boobo, “alimwi caka nyonganya, alimwi caka mulebula. MBUBOBU MBWAAMBA I MWAMI, ikuti na uyo empwa kuli ceeco, alimwi uyo syomezya kuya ku mukaintu wakwe a kuli yanzanya kuli nguwe, mpawo uyo ponesegwa lino a kubweeda ku mukwasyi wakwe.”

31 Elyo mpawo muntu uuli oonse katana kwaamba cintu cili coonse, kuleelede kuba nokuceya bali bobile, na baina, baalumi na bantu mu buyake, abo bayumu kumuuya mu Njiisyo ya Makani mabotu, abo bajisi kutweluka kubotu kwa muuya, bayo buka a kwaamba kuti “Nca Mwami.”

32 Elyo ikuti na eci cintu ta cicitiki, nkokuti myaambo ta yeelede kwaambwa mu mbungano. Ikuti na muntu waambaula

a myaambo, Paulo wakati, “Ikuti na takukwe sikupandulula,” abumwi bumbi, “abalekwe baambe ku muunzi,” na kufumbwa mbobanga baba, “nkaambo bali longezya biyo beni, alimwi takuli kwa kusumpula Mbungano.”

³³ Mpawo oyu muntu, aamana kukanana, a bupanduluzi; elyo mpawo babetesi bobile na botatwe, kweendelana ku Njiisyo ya Musalali Paulo iya Bbaibbele, kuti lyeedele “kubetekwa kwiinda ku babetesi bobile na botatwe.”

³⁴ Mpawo amulekele muntu muli oyo Ngwa itila, kuunka. Elyo calo, ambweni inga cabamba muntu umwi, na mweembeli na umwi, kuunka kuyo bikka maanza aa muntu oyu, nkabela balwazi na bapengede, nkabela bayo ponesegwa. Mpawo akube kuti mweembezi na muntu umbi, kufumbwa mbwanga waba oyo wakatondezegwa ku Muuya Uusalala kuunka “akukomba mupailo wa lusyomo,” aba unke a kukutauka ku muntu kweendelana a ceeco Muuya nco waamba. Mpawo ku ciindi eco, muntu aa. . . Elyo kufumbwa Muuya Uusalala ncowwa kaamba, ciyo citika, mpoonya biyo, mbuli buyo Muuya Uusalala mbo wacipa.

³⁵ Elyo mpawo bantu bakali kukonzya kutangala, a kulumba, a kulumbaizya a kukomba Leza, nkaambo Leza uyanda kukombwa.

³⁶ Mpawo beelede—mpawo beelede kukotamika mitwe yabo a kuba mu mupailo alubo, kubona ikuti na kuli mulumbe umbi oyo Muuya Uusalala ngowa yanda zipigo ezi kuyubulula, kakutanaba.

³⁷ Elyo mpawo ikuti na kufumbwa ciindi muntu ncanga waamba mu myaambo, a kupandulula, alimwi i—i babetesi inga batuma muntu kulemba, kucita kufumbwa ca kaambwa kucitwa, elyo ta cibooli kucitika, mpawo nkamu yoonse yabo iyo unka ku cipaililo elyo okuya kulomba Leza kuti agusye muuya oyo kuzwa kuli mbabo, nkaambo kwiina umwi uyanda muuya mbuli oyo. Inga twa ziba kuti ciyooba ca bubeji, alimwi ciyooba ca sinkondo, a kutali ca Leza, nkaambo Leza ukonzya buyo kwaamba bwini. Eco acimvugwe kabotu ku mbungano, kamutana katalika ceeci, aya matobelanwa mapya.

³⁸ Mpawo, antela, ndiza inga caba cintucimwi mbuli ceeci, mulumbe inga waamba ku mukwesu umwi, ndiza kuti, kwaamba, inga, “Kali kuponena ku migwagwa ya njanji,” na cintucimwi, “ku mubamba kuzwa, nkaambo kuyooaba kunyonyooka mu mugwagwa,” na cintucimwi, na kufumbwa cintu mu bweende obo.

³⁹ Elyo kulekela babetesi, ba mana kupa mbungano kuzumizigwa kwaambaula, na kucita oyu mulumbe wazwaa kuyutuka, ikuti na kubeteka kwabo kuli obo, “Nca Leza,” mpawo amulangilile a kubona ikuti na caboola kucitika.

40 Elyo ikuti na caboola kucitika, alumbwe Leza, a kuba luzyalo loko—loko mu moyo wako kuli Nguwe. Elyo amu Mu lumbaizye a kukomba, akuba mubombe. Kwiinda zintu zyoonse, amu libombye.

41 Uta lisumpuli omwini ku busena oko nkozi kunji kujatikizya nkuko kwiinda mweembeli wako na mbungano njo komba mo. Ikuti na wasika ku busena obo, mpawo inga Nda kulwaizya umwi aumwi wanu kujana busena bumbi bwa kukombela. Nkaambo, Ndi lomba mweembeli kutazumizya cintu cili coonse kunze lya mabambe aa Bbaibbele, nzila mbo twa kacibona awa mu mbungano. Elyo mpawo tu yanda zipego ezi kubelesegwa, a mu busena, a bakombi. Ikuti na kwacitwa kabotu, kweendelana ku Ijwi, muyo bona mbungano, mbotu mu kubelekela Mwami wesu Jesu Kristo.

42 Lino, mpawo cintu citobela ciyo citika, ciyooba kuti na aba bantu bajisi, abo bazwa mu malailile ku ziindi ezi, kuti daikona na aasha umwi wesu oyo uuzwide Muuya Uusalala a kujana luzyalo lunji mu moyo wabo, uyo unka ku muntu, cakubatama, mbuli taata, alimwi uyo balulamika mu cianza eci. Na, mweembeli, kufumbwa unga waba, eco inga cayandika kapati kuli bamadaikona kucita boobo; nkambo mweembeli, ku ciindi eci, kuciindi kuswaangana oku kwa kumuuya nokucitika, beelede kuba mu kaanda ka mipailo, na kumwi, kabakomba.

43 Eyi milumbe, mpawo, ikuti na kwiina milumbe iyabuya, kwiina ziyubunuzyo, mpawo bantu inga baba acoolwe, ikuti na bakayanda, kubuka a kupa bumboni, bumboni buyo bwa bulemu bwa Leza. Taba angidwe kucita eci, pele bumboni bweelede kupegwa mulumbe kautaninga na kumwi mulimo wa nyimbo kuutana katalika, na kufumbwa cintu, bumboni mu miswaangano eyi yakukomba.

44 Sena mula mvwisya, mbungano, kuti, mu kucita ceeci, uli jisi mbungano yoonse mu muuya wa kukombela, Ijwi kalitana njila kuyiisigwa? Mpawo Muuya Uusalala ula njila mu Ijwi, a kuyubulula Leza kwiinda mu Ijwi, kuba kusimpikizya kwa kukomba kwanu.

45 Lino, mpawo kumane ceeci, ciindi ca mweembeli kuboola, ikuti na milumbe ila zumanana...Kwaamba, mweembeli weelede kuzwa ncobeni, kwaamba, seveni theeti, a...na kkota ya eiti. Elyo ikuti na eyi milumbe icizumanana, mweembezi katana boola kuli yakwe...kuzwa mu kubala kwakwe, na kufumbwa mbwa konzya kuba, ku bweza busena bwakwe aa cibumbili, mukwesu umwi weelede ku mulailila, nkaambo basalali balizi kuti cindi mweembeli aboola aa cibumbili, nciindi cakwe mpawo ku kuswaangana. Eco cipa ciindi, cikubene cinji ku luyubunuko lonse lwa zipego, kuleta Muuya wa Leza mu i—i mbunga.

46 Elyo ikuti na umwi uutasyomi wajanika kubako, cakutaba mu ncililano; muntu wamyoyo wabuuya inga waunka kuli mbabo, mbuli aasha na daikona, nkabela inga wa baambila kuti beelede—kuti beelede. . . kubalomba kubatama, na kubatama kuciindi kuswaangana nokuli mu malailile. Nkaambo, Muuya uli mu buyake, alimwi zipego zya Leza zili muku yubululwa ku kuyaka kwa Mbungano. Elyo muntu oyu weelede kwaambilwa mu luyandisyo, a kutali cakugutaika. Citakuti caboola ku busena oko nkoba kali kunywa, na kutamvwa kumwi, na cintucimwi cimbi eco cinga canyonganya ku kukomba kwa—kwa Mwami, ezyo zipego mbo zibede, mpawo, zili mukutondezegwa; mpawo muntu weelede, na weelede, na weelede kusololelwa kuya ku lubazu lumwi, kuli kamwi ka twaanda, na kumwi, a kwaambilwa, a kulanganisigwa, cabuuya.

47 Lino, kuciindi mweembeli aboola ku cibumbili. . . Mweembeli amana kusike ku cibumbili, Inga ndayeeyela, mbuli Branham Tabernacle awa, kuti mweembeli wasololela mbunga mu nyimbo yomwe na zyobilo noziceya. Nkambo twa kacijana boobo, kuti cindi banji bano sola kukutauka i. . . mu mbungano, kuleta biyo penzi. Nda yeeyela, mbuli Mbwe kacita kuciindi Ne kali kweembela ku mbungano; Nda kasololela inyimbo, lwangu. Elyo Ndi limvwa kuti inga caba cintu cibotu ikuti na mweembeli wacita boobo, mwini.

48 Elyo mu miswaangano yoonse ya mipailo, oko nko babungene antoomwe, nkamu zya miswaangano ya mipailo, mweembeli weelede kuba umwi aumwi. Ta ceelede kusaala ku mugame umwi kuunka kusololela miswaangano ili boobo. Nkambo twa kacijana boobo, cakuti balazwa mu nzila, mu njiisyo, elyo mpawo bala citya, kucijosya moonya mu mbungano, alimwi, zindi zinji, kuleta buzumini buzangi, a zimwi zimbi, ezyo zitazulilwi mu Mbungano ya Leza muumi. Elyo mweembeli weelede kuba ku miswaangano ya mipailo yoonse, a zimwi zimbi, oko cidyo- . . . kubungana kuliko.

49 Elyo mweembeli taelede kujanika kumwi mu muswaangano, ku kwaamba kuti kuli nkamu yomwe mu nzila *eyi* a imwi nzila *eyo*. I mweembeli weelede kwiima akati ka boonse babo, a kuunka kuli mbabo, a kubayanzanya, mpoonya biyo. Elyo ikuti na ta konzya kuyanzanya, alekwe abweze daikona. Elyo mpawo ikuti na taba—taba kamvwi mweembeli nanka daikona, mpawo ceelede kwaambwa ku mbungano, alimwi, mbuli Jesu mbwa kaamba, “Amu baleke babe kuli ndinywe mbuli bahedeni a basimitelo.” “Elyo kufumbwa cintu nco mwaanga aa nyika,” wakaamba Jesu, “Njo caanga ku Julu, a ceeco nco mwaangulula aa nyika, Njo caangulula ku Julu.”

50 Lino, cindi mweembeli aboola ku cibumbili, alekwe mweembeli mpawo asololele, no—no kuceya, yomwe na zyobilo nyimbo, a kuunka cigaminina ku Ijwi.

51 Kutali ciindi ca miswaangano eyi ya bumboni bulamfu, alimwi bantu boonse banyamuka, a ijwi lya kwaamba. Eco tacizwidilili mu Branham Tabernacle.

52 Ikuti na kuli bantu baswiilila ku teepu eyi, alimwi, nywebo, ya kazwiidilila mu mbungano yanu, ee, eco cili kabotu cakulondoka. Elyo tuli kkomene loko kuli ceeco, kuti cila zwidilila mu mbungano yako.

53 Pele muli yesu okuno, ta ciciti, cileta buyo lunyongano. Nda kali kweembela okuno kwa myaka ili makumi obilo imwi, elyo Nda kajana kuti cileta buyo kunyonganya. Ikuti na ujisi bumboni, ko bupa kakutanaba i...mu mbunga ya bantu, kuciindi Muuya nouli mukulongezya, azimwi zimbi.

54 Na, nzila iini ya kupa bumboni, taili mu mbungano, ili mu masena aa musinze. Lekela Mumuni wako kumweka awo ali mudima. Koya ku maresitiranti a masena aindene, alimwi oko cibi a cintu nko cilundana, mpawo lekela Mumuni wako kumweka. Mboobo busena bwa kucicita.

55 Pele, nekubaboobo, ikuti na Mwami wakulongezya a kukupa cilongezyo cimwi cipati cisalesale, na cintucimwi eco ncoelede kwaambila bantu, kucicita mu ciindi ca kuswaangana kumbi, kuswaangana kotalisya, mu kulibambila, na cindi Muuya wano longezya a kupa bumboni a ziyubunuzyo, a myaambo a bupanduluzi, azimwi zimbi, mu kukomba, kwa basalali, Ijwi lya Leza kali taninga kuletwa.

56 Mpawo mweembeli, amana kusololela ciimbo eci, uyo sololela mbungano mu mupailo cakufwambaana, a mupailo wa mbunga, mwini, mbuli mbwa imvwi aa cibumbili, kabalomba bamwi babo kukotamika mitwe yabo mu mupailo.

57 Eci twa kacijana kuba cilongezyo cipati maningi, acamulao kabotu loko mu kubeleka mu mbungano.

58 Elyo mpawo, cintu citobela mweembeli ncaelede kucita mpawo, kumane. Ikuti na bajisi muswaangano wini wa muuya, a zipego kazitondezya maseseke manji aa myoyo ya bantu, a zintu ezyo zyeedele kucitwa kwiinda ku zipego mu muswaangano; mpawo Muuya wa Leza uli mu muswaangano, alimwi nцитete loko mpawo ku mweembeli ku jana Muuya wa Leza (eco uuli kale mu muswaangano) aa Ijwi lya Leza, mbuli mbwa bala a kotalika kukambauka. I mweembeli mpawo ukambauka kufumbwa cintu eco Muuya Uusalala ncouyo bikka ku moyo wakwe, kufumbwa nca yanda kucita, kaimvwi awo.

59 Pele mbunga nja biyo...Bala konzya kutangala, mbuli mbwa kambauka, mubwini, na kwaamba "ameni" cindi Ijwi lya yutuka. Pele, kuciimo ku nyamuka a kupa milumbe mu myaambo a bupanduluzi, kuciindi i—i Muuya Uusalala kaubeleka kwiinda mu mweembeli, Lugwalo lula citapatila eco, a kuti, "I muuya wa basinsimi uleendelezegwa ku musinsimi."

⁶⁰ I mweembeli mpawo weelede kwiita muntu oyu aansi, a kubalomba kubatama a kubamba busena bwabo. I mweembeli weelede kuba muntu oyo ujisi nzila ibombede kujatikizya nguwe, pele kutali mubombe loko pele obo mbwa kali kukonzya kuba mbuli Mwami Jesu Kristo cindi Na kabona cilubide kaciyabuya mu mbungano, Wa kaluka ntambo a kubatanda kuzwa mu mbungano. Elyo lino Mbungano ya Leza ni ng'anda ya lubeta, alimwi mweembeli malailile mapati loko mu Mbungano. I mwaalu ncintu caatala maningi mu Mbungano ya buapostolo, kunze Iya Muuya Uusalala. I Muuya Uusalala uleta Mulumbe Wakwe kugama ku mwaalu, nkabela mwaalu Wa upa ku bantu.

⁶¹ I basalali a zipego zyabo bayooba a busena bwabo, lutaanzi, ku kukomba a kuboola antoomwe, oko kuleta (mbuli Mbwe kaamba kale) Muuya wa Mwami, mu buyake, ku mweembeli. Elyo cicibamba kuba cuubauba loko ku Muuya Uusalala kubeleka kwiinda muli nguwe mpawo, cindi muswaangano mubotu wa kumuuya niwa zwidilizya buyo kuyiisya kwakwe; elyo mpawo Muuya Uusalala wanjila mu Ijwi a kuyiisya Ijwi; wa yubululwa buyo kwiinda ku zipego.

⁶² Elyo mpawo lwiito lwaku cipaililo luli mukupangwa mpawo, kwamana, alimwi banji mpawo bayo bona a kuziba, kweendelana ku kubeleka kwa Muuya Uusalala, a Ijwi Iya Leza, eco mweembeli ula Li bikka, kuti uli Mbungano ya Leza muumi. Elyo mbuli Paulo mbwa kaamba, wa kaindi, “Uyo wida ansi a kwaamba, ‘Nincobeni, Leza uli a nduwe.’”

Lino, mu zintu ezi, acicitwe a lulemeko.


⁶³ Elyo lino ku mweembeli (ku Mukwesu wesu Neville, ku ciindi eci), amuyeeye, walo ngo mutwe uumaninide wa mbungano. Mukwesu Neville uli jisi nguzu zya kubelesya bwami buli boonse obo Muuya Uusalala mbounga wacita, kufumbwa cintu Muuya Uusalala ncounga wa mwaambila kwaamba, mu majwi amwi. Mu mbungano, uli jisi nguzu ku cintu cili coonse eco Leza ncanga wa musololela kucita. Uli jisi akwalo nguzu ku bboodi lyakwe ya bamadaikona. Ula konzya kucinca bboodi Iya bamadaikona, basyomesi, na—na sikulizya piyaano, na kufumbwa mulimo umbi mu mbungano oyo ngwa yanda kucinca, kulimvwa kusololelwa aa Muuya Uusalala kucita boobo. Elyo kufumbwa nca cita, Ndiyo ciziba, mbuli mbwa (Nda syoma) kuba muntu munaleza. Ndiyo ciziba kuba ca Mwami, alimwi ndiyo cizumizya camulao mbubonya, aboobo cila mupa bwami mpawo kweendelezya mbungano nzila mbwa limvwa kusololelwa kucicita. Lino, na, kufumbwa mulimo mu mbungano, ikuti na uyanda ku—ku—ku cinca zyuuno, a bantu, nkambo uli jisi bwami bwa kucita ceeco. Kwalo, Ndi syoma kuti eci lyoonse ciyooba cibotu a kuta belesegwa.

⁶⁴ Lino, akube kuti Mwami amulongezye nyoonse. Elyo Ndi syoma kuti eci citwa ku bubotu bwanu maningi bwa luzibo

Iwanu. Elyo akube kuti Muuya Uusalala ulangilile ali umwi aumwi wanu.

⁶⁵ Elyo akube kuti silutwe aumwi wa mbungano azuzye bulizi bwakwe bwa mulimo, mukuziba eci, kuti Leza uyo kupa mulimo wa kuvwiilila obo mbo kabelaka mu ofesi yako mu mbungano. Umwi aumwi uyo elela kupa kaambo.

⁶⁶ Elyo ku bantu kanji, a basalali bayandwa kapati bapedwe zipego ezyo zili mu mbungano yesu, abo—abo basinsima, na kukanana mu myaambo, na kupandulula, na kuba a ziyubunuzyo, tuli kkomene kapati ku kuba andinywe mu mbungano. Elyo tuyo mupa kubelekela antoomwe mu zintuzyonse ezyo Muuya Uusalala nzo uyo tondezya kuti Wa mwaambila. Elyo tula mu yanda. Elyo tula syoma kuti zipego ezi zili muli ndinywe, alimwi kuti na ujisi ciindi ceelede ciluleme, a kutondezya kwa Malembe kuli ncico, kuti muyo bamba basimilimo balemu akati kesu. Elyo akube kuti Mwami amulongezye nyoonse, ngo mupailo wangu wakusinizya.

⁶⁷ Banakristo, kuzwa ciindi cakuswiilila ku teepu eyi, Ndi jisi cintu comwe eco Nce bona Nda cisiya, alimwi eco nceeci: kuti, kuciindi bantu noba kanana mu myaambo, keeelede kuba mu zipanzi “zyobilo na zyoatwe,” kweendelana ku Magwalo. Nko kuti, kuli biyo milumbe yobile na yotatwe yeelede kupegwa mu kuswaangana kumwi komwe. Kumane eco kweendelana ku Magwalo, kuti, “Ezi zipanzi; ezi zyelede kuba biyo zyobilo, na zyoatwe.” Aboobo akube kuti mucite zintu ezi, kweendelana, nzila Muuya Uusalala mbo waka cisololela mu Bbaibbele Lyakwe. Elyo oku nku, luzibo lwangu lwiinda, ku nzila ya kucicita. Paulo wakati, “Amu baleke babe ku mbali, bobilo na botatwe, cindi bano kanana.” I Mwami amu longezye. 

MATOBELANWA AA MBUNGANO TNG58-1007
(Church Order)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwabili, Kavumbikaniini 7, 1958, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org